



## Ned ning sēn wa n tug n rik baaga, sã n ka gug baaga, maa rŭms baaga, a tuumã yel-sōmã boogda raar fãa kuraat a yiibu

Yii a ‘Umar biig nengē (Wënd yard be b yiibã yīnga) ti Wënd Tēn-tuumã, (Wënd puusg la A tulgr be a yīnga) yeelame: «Ned ning sēn wa n tug n rik baaga, sã n ka gug baaga, maa rŭms baaga, a tuumã yel-sōmã boogda raar fãa kuraat a yiibu». A Saalim yeelame: Abu Hurayrat ra yume n yetē «Maa kood baaga». La a Abu Hurayrat rag n yume n yaa kood soaba.

[Naṣun Ṣahuhun (Gom-sikdem sēn manege)] [B zemsa taab a zugu (A Al-Buḥariy la a Muslim n reeg-a)]

Nabiyaamã (Wënd puusg la A tulgr be a yīnga) a bugsame ti b ra wa tug n rik baag ye, sã n ka tãosg tulsem, maa rŭms gŭubu, maa yaa kood gŭubu, la ned ning sēn wa n rik baag ti ka tũ ne rē, a tuumã yel-sōmdã boogda raar fãa kuraat a yiibu, la kuraat me yaa alkadr sēn yãk toaaga, ti Wënd n mi-a (A Naam zēk yã).

<https://www.sunnah.global/hadeeth/mos/show/2994>

